

– Դուք, պարոն, եղե՛լ էք միսիոնարների երկրում:

– Եղել եմ, – ասաց Չալլադը եւ կրկին դարձաւ դէպի միսիոնարների առաջին աշակերտը.

– Ինչպե՞ս կարելի է այդ աստիճան միակողմանի, սահմանափակ եւ մոլեռանդ լինել: Դուք հերքում էք ազգը, հայրենիքը, հասարակական բարօրութիւնը, դուք հերքում էք մարդու ինքնագործունեութիւնը, որի վրայ է հիմնուած նրա երջանկութիւնը, եւ միմիայն վերացական, հոգեւոր սնունդով էք մտածում կերակրել մարդուկներին: Այդ նրանից է, որ ձեզ, բացի սուրբ գրքերի սքոլաստիկայից, ուրիշ ոչինչ չեն սովորեցրել: Դուք չգիտէք, որ միսիոնարի քարոզած բողոքականութիւնը բոլորովին այլ ոգի, այլ ուղղութիւն եւ այլ ձգտում ունի, քան թէ այն բողոքականութիւնը, որ արդէն ընդհանրացել եւ կազմակերպուել է մի բողոքական ժողովրդի մէջ, թե՛ Եւրոպայում լինել նա, թե՛ Ամերիկայում: Դուք չգիտէք, որ միսիոնարին հարկաւոր են հաւատացեալներ միայն. նա կազմում է իր եկեղեցին, հոգ է տանում նրա հոգեւոր պետքերի մասին, իսկ նրա աշխարհային պետքերը զանց է առնում: Եւ ստիպուած է զանց առնել, որովհետեւ այդ վերջինը կը թուլացներ առաջինի ազդեցութիւնը: Նա պետք է աշխատէ կտրատել ձեր բոլոր հին կապերը, որ կապում են ձեր անցեալի, ձեր պատմութեան, մի խօսքով, ձեր ազգային կեանքի հետ, որպէսզի, առանձնացնելով ձեզ, կարողանայ կենտրոնացնել իր նոր հիմնած եկեղեցում: Այդ պահանջում է միսիոնարի կոչումը, նրա պաշտօնը, որին նա արհեստի ձեւ է տոնել: Բայց նոյն միսիոնարը իր հայրենիքում այդպէս չէ վարում. նա սիրում է իր ազգը, նրա պատմութիւնը, նրա բանաստեղծութիւնը եւ նրա մինչեւ անգամ հեթանոսական դարերի աւանդութիւններն ու առասպելները: Նա մասնակցում է եւ իր հայրենիքի հասարակական գործերի մէջ. մտածում է, թէ ինչո՞ւ մէկը հարուստ է, միւսը աղքատ է. աշխատում է, որ աղքատն էլ իր տանը ուտելու հաց ունենայ եւ գոհ լինի իր վիճակից: Բայց ի՞նչ տոնեց ձեզ այդ նոր կրօնը: Նա սերմանեց ձեր մէջ երկպառակութիւն, ատելութիւն դէպի ձեր այլադաւան ազգայինները: Դուք նրանց «հեթանոսներ» էք կոչում, նրանք ձեզ՝ «անհաւատներ»: Դուք ւաւելի բարութեք էք համարում թուրքին, քուրդին մօտենալ, քան թէ նրանց: Այ՞դ է ւաւետարանական եղբայրութիւնը:

Ինչպէս երեւում էր, Չալլադի այդ երկար ճառից միսիոնարների առաջին աշակերտի գլուխը ոչինչ չմտաւ: Նա դարձեալ բաց արեց իր օրացոյցի չափ ծոցի ւաւետարանը եւ նրանում ինչ-որ կարդաց: Չալլադը զայրացաւ:

– Դուք վնասակար մոլեռանդներ էք, եւ ւաւելի ոչինչ, – ասաց նա փոքրինչ զգացած ձայնով: – Այդ աստուածային գրքի թիւր ու սխալ մեկնութիւն-